

Sakspapir

Sakshandsamar	Arkiv	ArkivsakID
Frank Kvinge	FE-223	19/227

Saknr	Utval	Type	Dato
037/2019	Formannskapet	PS	17.06.2019

Kultur- og næringstiltaksmidler 2019

Rådmannen sitt framlegg til vedtak:

Rådmannen innstiller på at tilskotssummen på kr 100 000 vert fordelt slik:

Søkjjar	Tiltak	Dato	Søknadssum	Tilskot
Stordalen fjellstove	StordalenFjellFestival	29.06-01.07	35 000	17 000
Fjordtun kafé	Kulturarrangement	Heile året	17 000	10 000
Bjørn West IL	Bjørn West triathlon	24.08	8 000	4 000
Fjøn UIL	Masfjordsprinten	07.09	4000	4 000
Sleirsfjellet opp/ Risnes IL	Sleirsfjellet opp	02.06	30 000	15 000
Kvingo nærkjøp	Kulturarrangement	Heile året	20 000	10 000
Bjørn West-museet	Kulturarrangement	Heile året	90 000	40 000
SUM			204 000	100 000

Saksopplysningar:

Bakgrunn

I formannskapsmøte 18.11.2014 vart Kraftspela lagt ned. Kraftspela vart etablert i 2005 og gjekk i kommunal regi. Som erstatning for Kraftspela ønskte formannskapet å stimulera lokalt næringsliv, lagsliv og andre aktørar til å stå som kulturarrangør, slik at ein i kommunen framleis kunne tilby varierte og gode kulturopplevingar. For 2015 vart det sett av kr 150 000 der arrangørar kunne søkja kommunal medfinansiering til slike tiltak gjennom kraftfondbudsjettet. Etter dette har summen vore kr 100 000 pr år.

Fakta

Kulturtiltaksmidlane for 2019 vart kunngjort på kommunen si heimeside, plakatar på butikkane i kommunen og i kommunal informasjon i Strilen og i Masfjordingen. Det har kome inn 7 søknader:

1. Stordalen Oppleving v/ Laila Mette Bolstad søker kr 35 000 i støtte til Stordalen fjellfestival som går av stabelen 22.juni.

Festivalen vart arrangert i 2015-17. Grunna vertskapsskifte ved fjellstova i 2018 var det ikkje festival dette året. Festivalen oppsto som eit konkret tiltak av at Kraftspela vart lagt ned. Arrangør er Stordalen oppleving AS. Festivalen har hatt mellom 250 og 320 gjestar på arrangementa.

Rekneskapen for 2017 viser at arrangementet « går rundt» grunna stor dugnadsinnsats og god økonomisk styring. Fjellfestivalen er god marknadsføring av heile kommunen, ikkje berre Stordalen. Tilbakemeldingar frå publikum tyder på tidlegare festivalar har vore svært vellukka. Festivalprogrammet startar med quiz fredag kveld. På laurdag vert marknad med diverse produsentar, utstillingar, dyr, underhaldning frå scena, foredrag, jonsokbål og dans med musikk av Brothers in Arms. Arrangementet har ei utgiftsside på 135 000. Dei største utgiftene er knytt til teltrigg, lyd, vakthald og dansemusikk.

Festivalen fekk i 2015 kr 50 000 i tilskot frå kommunen, i 2016 kr 70 000 og i 2017 50 000. For 2019 legg arrangøren opp til eit arrangement over ein dag, i motsetnad til tre dagar tidlegare år.

2.Fjordtun kafé/ Sandneskaféen v/ Berit Lygre søker kr 17 000 i støtte til å driva kaféen som ein kulturkafé.

Sidan søkjar overtok drifta i 2016 har kaféen arrangert ei rekkje konsertar, visekvelder, kunstutstillingar, føredrag, kurs, quizkvelder, språkkaféar for innvandrarar, seniortreff, juleverkstad og i samarbeid med Sandnes Vel eit utsmykkingsprosjekt. I august 2018 arrangerte kaféen i samarbeid med Masfjorden kommune stor Shetlandskveld med handverkarar og musikarar frå Shetland med over 100 til stades frå Masfjorden og nabokommunar.

Lokalet vert også nytta til ulike private samkomer som dåp, konfirmasjon, minnestunder og åremålsfeiring.

Kaféen inneheldt også Skaparkroken der eigaren produserer tekstilbilete og plagg i redesign, og er kommisjonær for andre lokale produsentar av handverksprodukt.

Når det gjeld matservering legg eigaren vekt på bruk av lokale råvarer og å tilbereda desse både som tradisjonsrettar og i nyare drakt.

Tidfesta arrangement 2019:

30.03	Kurs i redesign
05.04	Konsert med Terje Rasdal & venner. Utseld.
25.05	Beatleskveld med lokale artistar, i samarbeid med Sommarscena
25.05.-30.06	Kunstutstilling v/ Bente Haugland, i samarbeid med Sommarscena
07.06	«Midt i livet», ei vise- og lyrikkforestilling med Bente Bratlund, Kjersti Wiik og Trond Fykse, i samarbeid med Sommarscena
17.08	Konsert med reSouza. Norsk- brasiliansk kveld, i samarbeid med Sommarscena
07.09	Konsert med « Mjangers unlimited, i samarbeid med Sommarscena

Søkjar er oppteken av å vera ein god masfjordambassadør, åleine, men ikkje minst i samarbeid med

andre. Samla sett er søkjar oppteken av å samarbeida med andre for å få til større og mindre kulturtilbod for både sambygdingar og tilreisande og for etablerte og nye kulturutøvarar innan ulike

felt. Lokalet som konsertlokale er lite, men kaféen disponerer eit flott uteområde der det vil vera

høve å arrangera større konsertar i sommarhalvåret. Utescena vil vera ferdig våren 2019.

Eit ev tilskot vil bli brukt til å dekkja honorarutgifter i samband med arrangement.

Fjordtun kafe fekk kr 7500 i tilskot i 2018.

3. Bjørn West IL v / Ståle Daae søker kr 8 000 i tilskot til Bjørn West triatlon og aktivitetsdag 24.august 2019.

Bjørn West triatlon vert i 2019 arrangert for sjuande gang. Base for arrangementet er idrettsbana på Matre. Det er eit regionalt arrangement som trekkjer deltakarar frå Nordhordland , Gulen og

Bergensområdet. Triatlon er lagt opp « light», dvs at distansane i dei tre disiplinane symjing, sykling og løp gjer konkurransen til ein flott innfallsport for dei som ønskjer å prøva triatlon, samstundes som utforming av løypa gjev meir røynde utøvarar nok utfordring.

Arrangementet vil og ha aktivitetsdag på idrettsbana, hovudsakleg friidrettsaktivitetar for barn og unge.

Arrangementet har ei styringsgruppe på fem personar og ei gruppe på kring 20 personar som står for sjølve gjennomføringa.

Tilskotet er tenkt nytta til profilering, utstyr og premiering.

Bjørn West triatlon fekk kr 5000 i tilskot i 2018.

4. Fjon UIL v / Vebjørn Haugsdal søker om kr 4 000 i støtte til mosjonsløpet Masfjordsprinten.

Arrangementet går av stabelen 7. september.

Løpet vart for første gong arrangert i 2017 i området rundt Sandnes skule og vart eit særers vellukka arrangement med stor deltaking av folk i alle aldrar.

Løpet blir lagt opp etter mønster for internasjonal skisprint, med innleiande rundar, kvartfinale, semifinale og finale. Kjønns- og aldersinndeling.

Arrangøren ønskjer å vidareutvikla løpet gjennom varierte tilbod der alle kan delta på ein eller annan måte. Dette kan td vera

- Mosjonsløype utan tidtaking
- Nedoverbakkelop
- Barnevognløp
- Løype for menneske med funksjonsnedsetting
- O-løp for lag, der bedrifter, familiar, klassar, organisasjonar m fl kan danna lag og delta

Fjon UIL ønskjer å skapa eit breiare idrettsmiljø på Sørsida, og ser på dette som eitt steg på vegen.

I samband med arrangementet legg ein opp til ymse kulturinnslag.

Masfjordsprinten fekk kr 5000 i tilskot i 2018.

5. Sleirsfjellet opp v/ Tove Kristin Sleire Tistel søker kr 30 000 i støtte til arrangementet som går av stabelen 1.juni. Tilskotet vil sikra eit arrangement av høg kvalitet på alle område.

Sleirsfjellet opp vert i år arrangert for 11. gong. Over 300 personar deltek årleg i sjølve motbakkelopet. I tillegg er det lagt opp til myldring og ulike aktivitetar ved Sleire gamle skule der mange møter opp.

Det er eit arrangement som ynskjer å ha fokus på folkehelse, vera ein årleg møteplass og arena som gjev glede, identitet, omdømme og verdiskaping for heile kommunen. Arrangementet er tilknytta Krafttak for tilsette.

Sleirsfjellet opp er det største folkehelsearrangementet i kommunen, og eit viktig arrangement for regionen. Motbakkelopet var det første i sitt slag i regionen og er det største idrettsarrangementet i Masfjorden (og Gulen). Risnes IL er arrangør og har årleg over 25 frivillige med i arrangementet myldring og motbakkemoro. Laget har 240 medlemmer.

Sleirsfjellet opp fekk kr 15 000 i tilskot for 2018.

6.Kvingo nærkjøp v/ Kariann Ekren søker kr 20 000 i støtte til kulturaktivitetar knytt til Nærbutikken, Snikkarbua kafé & pub og bubilparkering på Kvingo.

Sidan butikken vart starta opp i 2009 har eigar hatt eit stort fokus på å skapa aktivitet i bygda og driva bygdeutvikling for auka livskvalitet, med marknadsdagar, quiz-kveldar, eldretreff,

barnearrangement, førjularrangement, dansearrangement mm.

Eigaren har gjort store investeringar i bygningsmassen rundt butikken og då Snikkarbua kafe&pub sto ferdig i 2017 vart det lettare å halda fleire typar arrangement i kombinasjon med storsalen.

I 2019 har ein så langt arrangert to dansekveldar med live musikk av «To glade strilar» og «Gardsbruk», det har blitt arrangert møte for lokale bønder og ein har vore vertskap for arrangement i regi av lag, organisasjonar og private.

3.-4.mai feirar bedrifta 10-årsjubileum med marknadsdag, kulturprogram, quiz og live musikk. Det blir også Hjartemarsj i samarbeid med helselag. Vidare utover året er det planlagt ei rekkje kulturarrangement.

7. Bjørn West museet- Museum Vest v/ Arnold Matre søker støtte til utstillingar og arrangement i jubileumsåret 2019. Søknaden er ein samlesøknad for kulturtiltaksmidlar, særskilde kulturtiltak og kulturvernmidlar. Samla søknadssum kr 90 000.

Bjørn West skal i år markera både 75- og 25-årsjubileum, 75-årsmarkering av starten på kamphandlingar i BW og 25-årsjubileum for muséet. I samband med dette er det planlagt stor jubileumsfest, konsertar, foredrag, aktivitetsdagar, skulesamarbeid, opningsmarkeringar av utstillingar og oppgradering av utstillingar. Målet er å setja Bjørn West-museet og Bjørn West-historia på kartet og å tilby eit utvida kulturtilbod.

Det er planar for minst eitt arrangement pr. månad i opningssesongen til muséet. Førebels er desse arrangementa fastsett med dato:

05.05	Sesongopning med opning av nye utstillingar
09.06	Konsert i båthuset og opning av utstilling i tunet. Konsert i samarbeid med Sommarscena.
18.08	Stand /butikk i samband med BW-marsjen, Stordalen fjellstove
26.09	Open filmkveld. Gamle og nyare filmar om Bjørn West
29.09	Konsert med Brekke mannskor m/fl i båthuset. Konsert i samarbeid med Sommarscena.
15.10	Jubileumsfest på Matre.

Ikkje tidfesta:

Foredrag: Kvinner si rolle i krig

Foredrag: Bjørn West i bilete

Foredrag: heimevernet i dag

I tillegg:

Fornyning av utstillingar i båthuset og utandørs i tunet.

Oppgradering av båthus.

BW-muséet har dei siste åra hatt kring 1500 besøkande.

Vurdering

Rådmannen finn det svært gledeleg at det er så stor interesse blant lag og bedrifter for å stella i stand gode kulturarrangement i kommunen. Det vitnar om stor tiltakslyst og aktive og visjonære ressurspersonar/lag/bedrifter som ønskjer å skapa noko positivt i kommunen vår.

Søknadane har spennvidde og presenterer tiltak som me veit vil gje varierte kulturopplevingar for alle. Dette var også ønskje og målet til formannskapet då tilskotsordninga vart etablert i 2015. I vedtaket vart det ikkje lagt føringar for kvar og når tiltaka skulle gjennomførast, og kor mange tiltak

som kunne rekna med støtte. Det viktigaste var at ordninga skulle gje lokale aktørar inspirasjon og støtte til å gå i gang med nyskapande og spennande kulturarrangement, og å vidareutvikla alt det gode ein har frå før.

Søknadane fordeler seg jamt mellom lag og næringsaktørar. Det er gledeleg at det også i år er fleire næringsaktørar som har søkt. Fleire av søkjarane har etablert samarbeid med kommunen om tiltak. Med kommunen sin avgrensa kapasitet som kulturarrangør er dette vinn-vinnsituasjonar.

Tiltaka har god geografisk spreining i kommunen og tiltaka vil samla sett gje gode idretts- og kulturtilbod til alle aldersgrupper.

Rådmannen vil presisera at tilskot til søkjarar skal gå til kulturell aktivitet. Tilskot til utbetringar av bygningar og liknande fell utanfor denne ordninga. Det same gjeld marknadsføring og ev marknadsanalyse.

Stordalen Fjellfestival var opprinneleg ein arvtakar etter Kraftspela og tilbydde ein kulturell aktivitet i den retning som kommunestyret såg føre seg då denne tilskotsordninga vart oppretta. Omfanget av festivalen er i år redusert i høve tidlegare år.

Bjørn West IL, Sleirsfjellet opp og Masfjordsprinten sine arrangement er folkehelseiltak av beste sort, og utfyller kvarandre på glimrande vis. Ser ein desse arrangementa i samband med Bjørn West-marsjen og Matre rundt tilbyr ein fem flotte idretts/folkehelsearrangement i sommarmånadane. Alle arrangementa er no godt etablert. Laga vert oppmoda om å støtta opp om kvarandre sine arrangement.

Kvingo nærkjøp og Fjordtun kafé tilbyr arrangement som er med på å styrka deira næringsgrunnlag, samstundes som dei opnar opp for kulturaktivitetar som dei andre laga ikkje tilbyr. Arenaene kan vera ei god scene for lokale utøvarar og eit vertskap for tilreisande som søker kulturtilbod. Den kommunale støtta skal gå til honorar til utøvarar.

Bjørn West-museet vil tilby mange og varierte kulturtilbod i jubileumssesongen. Dagleg leiar har tidlegare i år vore i formannskapet og orientert om jubileumssesongen, ulike tiltak og om jubileumsfesten. Museet er eit konsolidert museum i Museum Vest, men bygningar og samlingar er framleis eigd av stiftinga Bjørn West-muséet, der Masfjorden kommune er medeigar. Kommunen har alltid hatt eit særleg engasjement rundt Bjørn West-museet, og denne praksisen meiner ein det er rett å vidareføra.

Søknaden er som nemnd ein samlesøknad, og ei tildeling inneber støtte til kulturtiltak, men også utstillingar som langt på veg høyrer innunder kulturvern. Rådmannen finn det riktigast å handsama alle tre søknadane samla, under kulturtiltaksmidlar.

Summen som er sett av til kultur- og næringstiltak for 2019 er langt lågare enn samla søknadssum. Rådmannen meiner det er viktig at arrangørane også ser etter andre finansieringskjelder (td Gjensidigestiftelsen, BKK) slik at inntektssida kan bli styrka. Tilskotsportalen kan og gje gode idear til kvar ein kan henta midlar.

Konklusjon

Basert på søknadane og vedlagte budsjett innstiller rådmannen på at tilskotssummen på kr 100 000 vert fordelt slik:

Søkjar	Tiltak	Dato	Søknadssum	Tilskot
--------	--------	------	------------	---------

Stordalen fjellstove	StordalenFjellFestival	29.06-01.07	35 000	17 000
Fjordtun kafé	Kulturarrangement	Heile året	17 000	10 000
Bjørn West IL	Bjørn West triathlon	24.08	8 000	4 000
Fjon UIL	Masfjordsprinten	07.09	4000	4 000
Sleirsfjellet opp/ Risnes IL	Sleirsfjellet opp	02.06	30 000	15 000
Kvingo nærkjøp	Kulturarrangement	Heile året	20 000	10 000
Bjørn West-museet	Kulturarrangement	Heile året	90 000	40 000
SUM			204 000	100 000

Masfjorden kommune kan hjelpa til med marknadsføring av alle arrangement gjennom «Kommunal informasjon» i lokalavisa og i kultur- og aktivitetskalenderen. Me ber arrangørar senda ein kort oppsummering og bilete frå arrangementet. Dette er materiale kommunen ønskjer å presentera i Masfjordingen og ev på heimesida.

Tilskot blir utbetalt når tiltak er gjennomført, og økonomisk oversyn ligg føre.

Formannskapet - 037/2019

FS - behandling:

Kulturskulerektor Frank Kvinge møtte til denne saka og svara på spørsmål.

Saka vart drøfta.

Framlegg til vedtak vart samrøystes vedteke.

FS - vedtak:

Rådmannen innstiller på at tilskotssummen på kr 100 000 vert fordelt slik:

Søkjar	Tiltak	Dato	Søknadssum	Tilskot
Stordalen fjellstove	StordalenFjellFestival	29.06-01.07	35 000	17 000
Fjordtun kafé	Kulturarrangement	Heile året	17 000	10 000
Bjørn West IL	Bjørn West triathlon	24.08	8 000	4 000
Fjon UIL	Masfjordsprinten	07.09	4000	4 000
Sleirsfjellet opp/ Risnes IL	Sleirsfjellet opp	02.06	30 000	15 000
Kvingo nærkjøp	Kulturarrangement	Heile året	20 000	10 000
Bjørn West-museet	Kulturarrangement	Heile året	90 000	40 000
SUM			204 000	100 000